

Uunga siunnersuut:**Meeqqanik pinerliisimannginnermut uppersaatinik piumasaqaateqartussaataaneq pillugu Inatsisartut inatsisaata allanngortinnera pillugu Inatsisartut inatsisaat**
(Ukiunik killissarititaasunik qaffaaneq)**§ 1**

Meeqqanik pinerliisimannginnermut uppersaatinik piumasaqaateqartussaataaneq pillugu Inatsisartut inatsisaanni nr. 8, 19. maj 2010-meersumi, Inatsisartut inatsisaatigut nr. 7, 3. juni 2015-imi allanngortinneqartumi imatut allannguisoqarpoq:

1. Inatsisartut inatsisaanni § 1-imi, § 2, imm. 1-3-mi, § 3, imm. 1-2-mi aamma imm. 4-mi "15-inik ukiulik" "18-inik ukiulik"-mut allanngortinneqarpoq.

2. § 2, imm. 2-mi oqaaseqatigiit aappaat ima oqaasertalerneqarpoq:

"Paasissutissat uppersaatatit ilusilerlugit ingerlateqqinneqassapput, tassaallutik Pinerluuteqarsimasunik Nalunaarsuiffiup paasiniaasimanermik immikkoortuanit paasissutissat, aalajangiisimanermut immikkoortumi allaqqasut allaqqanikuusunilluunniit, tassaallutillu pinerluttulerinermik inatsimmi § 77, imm. 1, nr. 3-mik, § 79-imi, § 80-imi, § 81-imi, § 82-imi aamma § 85-imi unioqutitsinerit aamma § 74-ip, § 77, imm. 1, nr. 1-ip aamma 2-p. § 77, imm. 2-p, § 78-ip, § 83, imm. 2-p aamma 84, imm. 1-ip unioqutitsinerit, meeqqamut 18-it inorlugit ukiulimmut iliuuserineqarsimasut."

3. § 2-mi imm. 1-ip kingorna immikkoortutut nutaatut ilanngunneqassaaq:

" Imm. 2. Imm. 1-imi eqqaaneqartumut uppersaammut aamma ilaapput ulloq 1. april 2019 sioqqullugu aalajangiinerit pillugit paasiniaasimanermik immikkoortortamiit paasissutissat, aalajangiisimanermut immikkoortumi allaqqasut allaqqanikuusunilluunniit, pinerluttulerinermilu inatsimmi § 79-imi, § 80-imi, § 81-imi, § 82-imi aamma § 85-imi taamanikkut malittarisassanik unioqutitsisimanerit kiisalu § 74-imi, § 77-imi, § 78-imi, § 83, imm. 2-imi aamma 84, imm. 1-imi unioqutitsisimanerit, meeqqamut 18-it inorlugit ukiulimmut iliuuserineqarsimasut."

Tamatuma kingorna imm. 2-5 imm. 3-6-inngussapput.

4. § 2, imm. 4, oqaaseqatigiit siullerni imm. 5, oqaaseqatigiit siullinngortuni, "imm. 1-3" "imm. 1-4"-mut allanngortinneqarpoq.

5. § 3, imm. 2 imatut oqaasertalerneqassaaq:

Imm. 2. Aammattaaq peqatigiiffiit, suliffeqarfiit il.il. uku meeqqanik pinnerliisimannginnermut uppersaatinik pissarsiniarnissamut pisussaaffeqarput, tak. § 2 inunnut peqatigiiffimmut, suliffeqarfimmut il.il. sungiusaasutut, ilitsersuisutut, iligiinnut aqutsisutut, aqutsisutut atassuteqartut, bussinik ingerlatsisartut, taxanik ingerlatsisartut, timmisartumi saqisut umiarsuarnilu ilaasartaatini umiarsuarmi inuttat, ikiortit, ilinniartitsisut, tassunga ilanngullugit assistentit, taartaasut ilinniartullu suliffimmik misiliisut:

- 1) Timersoqatigiiffiit, Kalaallit Nunaanni Timersoqatigiiffiit Kattuffiannut ilaasortaasut.
- 2) Timigissartarfiit.
- 3) Nipilersornermik qitinnermillu ilinniartarfiit.
- 4) Spejderit.
- 5) Bussimik ingerlatsisarfiit, atuarfiit, suliffeqarfiit il.il. isumaqatigiissuteqarneq malillugu tamanut ammanatik ingerlatsisartut.
- 6) Taxanik ingerlatsisarfiit meeqqanut aalajangersimasunut taxartitsinikkut tamanut ammanatik ingerlatsisartut.
- 7) Timmisartortitseqatigiiffiit angalanerup nalaani meeqqanik ilitsersuineramik neqerooruteqartut.
- 8) Umiarsuaatileqatigiiffiit ilaasortaatit angalanerup nalaani meeqqanik ilitsersuussineramik neqerooruteqartut.”

§ 2

Inatsisartut inatsisaat ulloq 1. januar 2023 atuutilissaaq aamma atorfinitsitsineq, sulinissaq paarsinermiluunniit pissutsit pillugit isumaqatigiissutinut ullormiit 1. januar 2023-mi isumaqatigiissutaasunut sunniuteqalissalluni.

Namminersorlutik Oqartussat, ulloq xx xx 2022

Naalakkersuisut Siulittaasuat